

Putra Food Bank terima sumbangan mahasiswa UPMKB

BINTULU: Mahasiswa Kursus Kokurikulum Bakti Siswa (Kumpulan 3) Universiti Putra Malaysia Kampus Bintulu (UPMKB) menyalurkan sumbangan untuk Putra Food Bank di sini, baru-baru ini.

Menurut satu kenyataan daripada UPMKB, sumbangan tersebut merupakan hasil daripada penganjuran Program Putra Bakti: Putra Eco-Iftar baru-baru ini.

“Sumbangan diserahkan oleh Pengarah Program, Muhammad Shahiddin Rosli kepada Ketua Pejabat Pengurusan Pelajar UPMKB, Mohamad Syukri Mohamad Adnan di pejabat beliau sambil disaksikan pegawai

universiti lain.

“Melalui program sebegini, para pelajar berupaya meningkatkan kemahiran insaniah, memupuk semangat kerja berpasukan dan membentuk kemahiran memimpin dalam kalangan pelajar serta menggalakkan penglibatan sosial dalam komuniti,” katanya.

Ujarnya lagi, rezeki yang diperolehi juga dapat dikongsi bersama golongan yang memerlukan.

Bagi yang ingin menyumbang kepada Putra Food Bank, boleh menghubungi Hairunisah Abdul Rahman di talian 086855657 atau melalui e-mel hairunisah@upm.edu.my.



SERAH SUMBANGAN... Muhammad Shahiddin Rosli menyerahkan sumbangan kepada Mohamad Syukri Mohamad Adnan di UPMKB, baru-baru ini.